

Von Italia.

ccxcv



4 **Caius Caligula** ein sun Germanici / geboren vnd erzogen im feld höre / was dem Kriegsvolck gar lieb vnd kam an statt Tiberij / dem er solte vergeben haben. Diser kont in seiner jugende sein wilde / düctische / vnd lasterliche nature also verbergen / das er sich stelte als hette er gar vergessen dz man sein müter hatt in das ellend geschickt / in dem sie auch starbe / vnd das seinezwen brüder Drusus vñ Nero also übel gehalten waren / ja er zeigt sich dienstbar gegen jedman / aber heimlich war er ein böß vnd begieng vil eckbrüch. Entlich ehete er sich härfür vnd ließ sehen wer er was / ward auch so übermütig das er sich ließ anbetten / vnd wolt das man jm offerete. Er fieng an zühüten in alle seine nechst verwanten. Er ließ seinem brüder Tiberio vergeben / er schwecht auch vnd beschließ seine drey schwestern / ließ vil vom rath edden / ließ auch erwan die scheüwren beschliessen / damit er hunger inn das land brechte. Er begeret offte das ein grosse schlacht beschehe / ein grosser hunger käme / oder ein grosse pestilenz / ein feüwr brunst / oder das sich das erdrich aufft het damit das die zeit seines regiments mit einer erefflichen geschichte verzeichnet würde. Er was einer vnerseelichen vncinigkeit gegen beiden geschlechtern. Vnd nach dem er gar vnerträglich was / hatt man zum offtern mal diß grimmig ehier vnderstanden züerwürgen / vnd ist auch zuletzt gerathen. Dañ als er das neün vnd zwentzigste jar seines alters erreichte / ward er mit dreißig wunden zutod geschlagē / nach dem er drey jor vnd zehen monat hat regniert. Diser hat auch vier weiber gehabt / Juniam Claudillam M. Silij rochter / die starb jm an ein kind / darnach Liviām Drestellam / die er von jme stieß / wie er auch Lollie het. Cesoniam hernach / die gebat jm Juliam Drusillam.

**Gebure liny der ersten Keysern die doch in dem wü-
terich Nerone ist zergangen. Die grössere geschriffte zeigt an
die blüe liny / die kleine die gespischafft.**



Keyser Augustus hat jm zügeschriben den zünamen seiner müter bruder / wole
A a iij nach